

22 MAY 2001

PUTERA ANDREW KUNJUNGI PERDANA MENTERI

PUTRAJAYA, 22 Mei (Bernama) -- Putera Andrew, Duke of York, yang dalam rangka lawatan satu minggu ke Malaysia, hari ini mengunjungi Perdana Menteri Datuk Seri Dr Mahathir Mohamad di sini.

Ketibaan Putera Andrew, anak lelaki kedua Ratu Elizabeth di Kompleks Jabatan Perdana Menteri pada pukul 9 pagi disambut pegawai khas Perdana Menteri Datuk Hashim Makaruddin.

Putera Andrew dan rombongan kemudian menandatangani buku pelawat dan melihat pemandangan Putrajaya dari ruang tinjau pejabat Perdana Menteri sebelum mengadakan perjumpaan dengan Dr Mahathir selama sejam.

Putera Andrew, yang mewakili kerajaan Britain tiba di Sabah pada 16 Mei untuk lawatan pertamanya dan berada di Kuala Lumpur sejak Sabtu lepas.

Beliau dijadual berlepas ke Singapura hari ini.

-- BERNAMA

ZAI NZ AKD